



Broj: 04-45-1-936-11/22  
Maglaj: 14.02.2023. godine

Općinsko vijeće Maglaj  
Maglaj

Predmet: Saglasnost za namjenu neopremljenog prostora potkrovlja Doma kulture Edhem Mulabdić u Maglaju radi realizacije projekta „Izgradnja Resursnog centra za mlade u Maglaju“

Općina Maglaj, u saradnji sa Ujedinjenim narodima u Bosni i Hercegovini (UN), Misijom OSCE-a u Bosni i Hercegovini (OSCE), Europskom unijom (EU) i Vijećem Europe (CoE) provodi inicijativu „Jačanje povjerenja i kohezije u zajednicama u Bosni i Hercegovini“ koji finansira EU odnosno realizira odobreni projekat „Izgradnja Resursnog centra za mlade u Maglaju“.

U cilju uspostave, nedostajuće infrastrukture za potrebe aktivizma i djelovanja mladih Općina Maglaj planira izgradnju, opremanje i uspostavu Omladinskog resursnog centra Maglaj u neopremljenom potkrovlju Doma kulture Edhem Mulabdić u Maglaju.

Odluka za uspostavu ovakvog centra, proizašla je takođe na osnovu izraženih potreba i zahtjeva mladih tokom procesa izrade Strategije razvoja Općine Maglaj 2021-2027.g.

Cilj izgradnje i organizacije je unaprjeđenje društvenog života, angažmana mladih i sveukupno bolji položaj mladih te njihov ostanak u Maglaju i Bosni i Hercegovini.

ORC – Omladinski resursni centar Maglaj će pružiti pomoć u radu, omladinskim organizacijama i pojedincima, gdje će se edukativnim, volonterskim, kulturnim, medijskim, socijalnim i aktivnostima izgradnje mira i razvoja demokratije, popraćeno umrežavanjem sa drugim centrima i mladim ljudima, dati doprinos poboljšanju kvaliteta života mladih i razvoju društva jednakih mogućnosti.

Radi se o, do sada neuređenom prostoru potkrovlja Doma kulture Edhem Mulabdić, površine 320 m<sup>2</sup>, koji bi se pretvorio u zaseban, funkcionalan prostor sa 6 prostora, zajedničkom prezentacionom salom i pratećim sanitarnim prostorima.

Izgrađeni i opremljeni prostor će biti predat na upravljanje Domu kulture Edhem Mulabdić, pri čemu se Općina Maglaj obavezuje pored sufinansirajućeg dijela, na ispunjenje sljedećih uslova:

- Prostor koji bude predmetom sanacije će biti korišten isključivo za potrebe omladinskih organizacija u okviru Omladinskog resursnog centra, u periodu od najmanje 5 godina.
- Općina će finansirati režijske troškove koji nastanu tokom korištenja saniranog prostora za potrebe Omladinskog resursnog centra, u periodu od najmanje 5 godina.
- Općina će preuzeti obavezu trajnog održavanja saniranog prostora.
- Općina će uključiti omladinske organizacije, aktivne na području Maglaja, u dizajniranje sadržaja budućeg Omladinskog resursnog centra, uvažavajući njihove ideje i potrebe.

Opredjeljeni smo, da uz saglasnost Općinskog vijeća Maglaj za namjenu neopremljenog prostora potkrovlja Doma kulture Edhem Mulabdić, realizujemo ovaj projekat, čime ćemo zajedno doprinijeti poboljšanju socio-ekonomskih prilika za mlade kao i građane Maglaja i BiH, kao i unaprjeđenje kvaliteta života, rada i odmora, te sveukupnog razvoja općine Maglaj i države Bosne i Hercegovine.

Obradivač:

Nermin Bešlagić

DOSTAVLJENO:

1. Naslovu
2. a/a



OPĆINSKI NAČELNIK

Mirsad Mahmutagić